

靈寶領教濟度金書卷之二百二十六 受一

洞微高士開光般若真人寶金具授

靈寶通玄弘教水南先生林靈真編

科儀立成品傳度

傳度醮儀

步虛 燒香頌

各禮師存念如法

宣衛靈呪

五星列照 煥明五方 水星却火 木德致昌

變惑消禍 太白辟兵 鎮星四據 家國利亨

名刊玉簡 字錄帝房 乘輿散景 飛騰太空

出入冥無 遊宴十方 五靈浮蓋 招神攝風

役使萬靈 上衛仙翁 與道合具

鳴法鼓二十四通

無上三天玄元始三炁太上老君召出巨身

中三五功曹左右官使者侍香金童傳言玉

女五帝直符直日香官各三十二人出出者

嚴裝闡啓玄壇天帝神君嘗召此間土地里

域真官正神急上闡啓臣今奉為入意以今

設醮行道願得

玉清道炁靈寶妙光下降流入巨等身中即

使玄壇清淨內外成真天無氛穢地絕妖塵

琳琅振響十方肅清萬魔不干真域上徹令

臣所啓速達徑御

太上無極大道至真王

請稱法位

具位臣某謹同誠上啓

大上元極大道虛元自然元始天尊虛皇玉

晨大道君靈寶天尊萬變混沌玄元老君道

德天尊玉皇大天尊玄穹高上帝北極紫微

大帝紫微天皇大帝玉清真王長生大帝東

極青玄上帝后土皇地祇九微太真青童大

道君紫微元靈青金大道君十方靈寶天尊

九天生神上帝三十二天上帝五靈五老大

帝上清十一曜真皇君南斗六闕上真道君

北極九府上真道君周天二十八宿星君泰

玄樞機三省諸相天君靈寶五師真君三元

三官帝君北極四聖真君九天諸司真君天

曹諸司真君靈寶天仙內院主宰高真三洞

四輔諸司府院主宰高真上宰上保上傳真

君大洞祖師紫虛元君楊許二真人靈寶祖

師徐葛鄭三真人科教祖師陸張杜三真人

三洞四輔經籙符法中上聖高真神仙將吏

靈寶諸部南北兩司仙真靈官五嶽五帝真

君五天聖帝洞天福地靖廬治化仙官此陰

鄭都大帝水府扶桑大帝四海四瀆六洞十

宮九州社令司主者本府州縣城隍主者三

界符使四直功曹太歲尊神里域土地三界

感應一切真靈臣聞道冠鴻鈞胤一元而御

運象涵養極包五太以開圓神功密幹於陰

陽聖化潛調於經緯玄網流演下敷九壑之

卿雲道紀彌羅上湛八紘之惠露語其用則

有炁有數究其體則無形無名實三洞之根

宗為群生之柱石今弟子某身承聖日志慕

真風鳳笈琅科期矢心而佩奉龍函瓊輶誓

潔己以參傳徽上聖之傾光鑒下愚之受度

輒羞蕞微庸庸冀冀伏願羽葆綉纓御玄虛

而惟止霓旌縹緲從碧落以來游丹輿陪彩

仗之遙綠瑩輅翠華之迅雲龍搖曳月輪透

遲俱合景於星壇為命靈於雲席曲款真切

共錫提攜巨無任懇切之至謹稽首再拜奏請高真

請聖 初獻

臣聞太無胤粹紫陽藏鳳策之奇妙有垂精黃混散龍函之秘仰係制於劫運俯調御於黎元自前脩落教以傳經故後學尋師而弘道三乘流演金科嚴泄慢之愆七部宣行玉律謹禁藏之密惟奇民而堪規匪德友以難聞派衍人間期彰天上今弟子某陽靈孕炁陰粹凝形念袞袞胸寬靜莫圓於功績而皇皇蟻磨動惟積於寬想局報生成仰裨化育爰皈誠於大道肅請命於微臣三洞希夷誓聲心傳之切諸司徹妙期膺口授之真爰有青詞謹當宣奏

宣詞

按如詞旨備露忱恂臣聞祖日輝華散千燈於六合宗風鼓動宏萬派於九垓皆仙靈應運以流芳故聖真啓玄而挺秀觀巨愚昧荷帝慈眷過有淵陵拊己未彰於學道功無主黍省躬敢好於為師第思授受之規莫尚淵

源之責既碑嚮慕敢負歸仗榮簡羅敷肅玄壇而請命芝圖煥耀趨丹陛以陳情精誠謝而身心滅愆除尸累而形神受煉斷除蕩妄還返一真既翳垢之潔清可希微之領授恭消今夕肅衍新儀軟血飲丹微真盟於高厚分環破券證新誓於顯幽盡經蘇符法之將吏以統臨會省府院司之真靈而檢攝玉符告命職躋品格之崇金印提封位領班聯之峻曩由帝命式副愚衷仰冀道悉彌羅神光照耀錫靈虛之正性圓智慧之良心策役通靈列部駸駸於玉節修持合道十方召制於金符紹奕奕之仙宗垂綿綿之聖派恪希履冒庸藉汪涵翠第流瓊秩芳筵於六甲殊彝鍊玉崇華席於五申敢修亞獻之恭庶展再陳之敬稽首再拜禮行二獻

亞獻

臣聞金闕穆清羅鶴班而赫奕玉京遠漢肅驚序以陸離雖希夷宿稟於天和而玄妙實由於人授三十六部仰聖真之口口相傳萬八千篇觀仙靈之心心密印惟修真而學道

故積行以累功克獲仙飛庸期冲舉佐清微之奕理贊魁極之裁成載藉昭章見聞披覩今弟子某心修道法志慕玄機幸蒙師寶以相構肅詣宸嚴而受度三官五帝為校錄其功勤九府四司為舉揚其志行希宥前非之弊勅差微後善之羅敷驛馬朱函通清光而奉對焚龍白簡開黑壘以升遷三天策陽神之騰九地斥陰魔之試經聲明曠流化雨於十華正炁昭融扇仁風於九軌凡茲精進悉賴薰陶伏願弟子某戒行虛圓陰功普被起處辟六淫之寇行藏進九橫之災通真達靈早親玄機而了悟飛神御炁疾抽聖翁以昭明保九轉於黃庭精五華於玄谷慶延玄祖祥衍宗親遊洞府以迴翔任陵谷之遷變母負監果即獲超騰次願巨翊贊大乘斷除小累發提後進曲原不量力不度德之愆紹續前聞密啟非秘道非泄寶之謫許侶金科而傳度俾如玉律以宣行祖印手提敢領誦誥之沐系宗乘身負惟期浩浩之功勳庶上沐於天恩而下從於人願以今天人俱慶顯

需恩雲鑪僅夜漏之傳月整鵲宵杓之韻微
萬靈而昭聚極三寶以慈觀蓋遵保舉之規
為祈泰傳之格作股肱於大道提命密加錫
職較於微日付傳照應敢登獻酬之禮更彈
奏謝之忱仰冀慈悲曲垂鑒映臣與弟子無

任恪恭之至

終獻酒

宣傳度科

侍職唱攝行傳度事日某頌嗣法弟
子某恭詣道前依科傳度

高功長跪告白

具位小兆臣某誠惶誠恐稽首頓首百拜
上言臣聞三洞垂光金格著傳宗之典九清
流範瓊科昭昭運之文俾祖燈續耀於埃齡
而宗枝流華於浩劫凡敷心而歸命必傾耳
以輸誠仰冀淵慈俯垂采聽今有嗣法弟子
生逢盛世夙植昌基愧無功德以及人且
乏慈悲而救物齋心九拜冀接東諸玄妙之
傳潔己三朝期膺西禁希夷之緒請臣授受
副彼恭承庸上贊於生成庶下裨於化育日

職惟領教理難抑違餘已奉告諸天開闢三
界允消今日密為宣傳重念臣負荷宗盟提
攜後學依科千夜敢明得取之心如律心傳
願賜鑒觀之造欲望申飭五帝開告三官徹
十極以證明會萬靈而監舉容臣恪遵天律
宣示真條俾受佩於帝前庶協恭於身後圓
成善績輔相奇勳臣下情無任之至謹稽首
再拜以聞

高功詣元始座前右畔面東立弟子
西西長跪應千傳度合用左畔
物件置高功面前年于上

高功宣白

三洞靈章九霄寶範自從啓運降在人寰著
无師不度之文顯非人勿示之訓玄科其切
丹律崇嚴授之者如履薄冰慮躋臨之踵至
受之者若涉淵水恐沈溺之隨聞惟風夜以
戰兢可食息而傳度專從遠古逮至今時玉
厲金魚表勳心之純恪丹砂青殼昭盟天之
精微著在條章具存品秩宣大道華容以密
按而妙法若可以貨求蓋地號南洲時丁李
世習流傳以為俗罔識尊崇依鄙吝以成風

惟貪賄賂非重捐於金幣焉旌別於精誠我
以玄運天開慶基師授一塵不染夙無貪得
之心三寶遙臨惟抱傳賢之念子欲求上
道難以多捐世財惟當重設誓盟深陳禁戒
子辨肯心否

弟子懷中出誓狀呈師云誓狀具呈
伏乞省覽

師接誓狀付侍職對大道前宣讀

信誓旦旦天聽昭昭可謂精進求師真定恭
法既已對聖宣讀切勿自負盟言惟靈寶飛
天妙書具智慧上品十戒登真之士宜先受
持今當依科宣揚于盍澄心諦聽夫戒者所
以防非止過檢矣斷情也守戒則道尊德貴
天人欽承破戒則身滅職黜鬼神窺笑惟當
省躬祇佩勵志紳書恭肅端莊稽首聽受

師傳十戒見補

已上十戒能持否 答云能持

十戒宣傳一心聽受可謂慕道親切學法精
純所宜恭對三寶十華三官五師之前遵依
科律與子破券分環飲丹結起身心齋肅毋

傲母諱

師右手執朱筆蘸朱在心前云

將筆指天子不負天天若負子日月不明子若負天九祖沈淪亦不希仙將筆指地子不負地地若負子草木不生子若負地身沈沈。鄭絕代子孫將筆指心子不負心日月斗以為證明子若負心風刀考形萬劫不停筆指十方梵炁天中靈寶天尊真人神仙玉女玉童靈官仙兵今日欣慶受度歷闢諸天請滅三惡斬絕地根飛度五尸名列太玄魔王監舉位寄玉清九玄七祖拔出地戶即皆受度飛昇南宮今子過度三塗五苦八難九厄千災萬禍功滿道備玄師證明超凌三界道遙上清內外功備過度三界位登仙翁諸魔滅試三官敬形嘯命雷電呼吸風雲役使丁甲叱咤鬼神降致千真役使萬靈推伏惡毒救護幽冥收束虎豹朝馘鬼精拯運鎮劫保佑安寧佐天行化助國救民調泰五炁內煉成真坐致行厨所向利貞若有不神天地違盟子今皈身皈神皈命三寶至尊若有異心

始勤終怠叛道侮法輕泄漏慢違背師旨不生敬信不依年限妄傳非人不忠不孝邪淫皆毀陰謀殺害甘俟天憲先墮祖考後累玄孫永沈沈卽一身罰功墮事風刀考形三掠更生非道之形萬劫永不希仙甘心自受以明違天逆地叛道背師負心惡逆之戒不敢怨道咎師急急如律令

師將券文以朱筆科畫

上元天官中元地官下元水官四方天帝五方五帝日月斗四極真人受度三師玄中證明割券之後誓不違天負地誓不負師背道忠於邦國孝於父母慈於眾生哀救苦爽以善濟物誓不違盟若有違誓甘俟天憲備經三途之役償於五苦之考急急如律令

師次券中指破之併環亦分其一將

右券右環付弟子某跪受付侍職對

道前宣讀畢藏于心前

次師捧丹水當心

截髮誓天刺血為盟飲丹結願仰告天尊三官保舉五帝證盟三師受度詣天書名斗

落死南斗上生萬真受事天魔敬形七祖父母受煉南宮功成之日上朝玉清蓮心負誓臨事不神急急如律令

師捧丹水吸一口弟子亦吸一口

分環破券軟血飲丹證誓結盟既依玄律所是傳受三洞四輔經錄法科符圖印訣今當對聖一一給授子宜跪領諦受毋忘本靖誥劉謹當宣示

侍職宣交度劉誥宣畢付弟子三禮受之師執經云

二十四品微妙洞真十部洞玄三皇洞神正一太玄太清龍章鳳篆鑲玉裁金降自清微昭布寰瀛寶秘福慶泄慢殃侵今以授子子其寶之

師以經授弟子弟子頂戴三禮受之

師執錄云

迴車畢道五法中盟神霄四仙各集大成七部分合擷奇摘英世世傳授悉擇宗乘政和漢綸宗壇持銜三元露奏肘步膝行今以授子子其秘之

22/117

師以蘇校弟子弟子頂戴三禮受之

師執法書云

方諸東華內禁靈虛黃錄普化玉清童初太
女統御丞輔樞機三天星羅省府院司金符
玉券貴並驪珠濟生度死舉形仙飛今以授
弟子其重之

師以法書授弟子弟子頂戴三禮受

之

師執科儀云

二十七等齋法昭垂四十二品醮式彰施始
由簡叙流行清都大備廣成三洞咸宜後賢
繼志雲笈陸離流傳八遐萬古攸依今以授
弟子其謹之

師以科授弟子弟子頂戴三禮受之

師執印云

金章煥赫統御機權部臨諸司出自三天仙
具下教流行輻輳掌握號令皇化昭宣合同
符信萬靈敬專力士衛嚴泄慢貽愆今以授
弟子其佩之

師以印授弟子弟子頂戴三禮受之

師執劔云

光射牛斗法象雌雄震靈景震枝派分宗旁
揮九醜爾清泥封上盤雲漢履攝置風道人
變化倏忽西宮不律戒妄用號曰神鋒今以授
弟子其領之

師以劔授弟子弟子頂戴三禮受之

師執杵杖云

陽山丹竹策真通靈屈曲九節五帝垂精千
日熱備肅代身形隨杖所指震開幽局內藏
玉篆光燦日星宵啟感應輕慢彰懲今以授
弟子其藏之

師以策杖授弟子弟子頂戴三禮受

之

師執式云

中天會府玄靈璇璣越有寶式洞視希夷二
十四厄環列奇儀運靈激指生殺臨機履涉
祛魔策豹役鳩天符妙契萬福攸歸今以授
弟子其慎之

師以式授弟子弟子頂戴三禮受之

師執神尺云

開闔紫極介貫拱環龍輪虎符三界齊尊身
佩神尺彌命天關順生運殺建皇愷舍元
太虛一炁帝君功成道備升駕雲端今以授
弟子其珍之

師以尺授弟子弟子頂戴三禮受之

師執令牌云

律令大神掌握雷霆呼風喚雲凝氣散霧九
宮統化九司齊臨火令一下百神肅欽如意
策役罔有不承威慢輕動上干鄭刑今以授
弟子其守之

師以令授弟子弟子頂戴三禮受之

嗣法弟子既以令職治事佩印受符身充天
官兼役三界所是諸階法中仙靈官吏將兵
並合恭對道前黜集交度不得誤違一如玄
壇律令

宣交兵帖

謹召某法中仙靈官君將吏仰分形化景嚴
裝顯服隨嗣法弟子本靖香火所在永遠駐
劄如承召役毋輒稽違輔佐行持恪希應感
一如玄壇律令

師度濟生諸司官將付弟子

謹召其法中仙靈官吏仰速相關報各令知委赴嗣法弟子本靖香火所在永遠駐劄如承召役毋輒指違輔佐行持恪希應感一如玄壇律令

師度開度諸司官將付弟子

嗣法弟子其夙植慶基今逢昌運佩三洞之寶典領諸司之金符衣三品之服章仰九霄之將吏天上地下咸聽指呼陰陽賜仙悉歸掌握呼吸風雨叱咤雷霆可謂萬劫遺達千生緣幸傳授儀備戒誓言周更宜端莊拱聽誨飭上道高妙非聖不傳子今受之開盟諸天金文玉簡佩奉勿宣死合神應坐致自然應化領教策役靈仙敬則神祐優則醜殊玄科其切戒慎之焉切勿僥踰自負盟言

三拜速侍職以車子過

師領弟子詣三寶前長跪叙

具位小兆 未謹重誠上啓

聞教兩羅敷風仰繼承之重玄風披拂幸圓保舉之真寶願主維敢忘控謝 向來奉

為嗣法弟子恭歸命瑤壇傾心玉友傳明科於三洞授正法於諸司上佐樞機下宣寶亮恪遵玉律授職任以宣揚爾按金條役仙靈而駐劄幸無魔撓克復圓成皆天尊密布以威光故後學允符於志願 敢不一心激越

百體欣愉去之又玄儻悟通真達靈之旨妙而益妙疾收齊仙作聖之功 仰荷恩私曷彰報稱誠惶誠恐稽首頓首稱謝以聞

都講唱傳度畢執事恭行三獻

具位 未謹重誠上啓

三清上聖十極高真啓教宗師一切仙聖 闡春稷非馨焉守天而容與蘋蘩奇薦憑尺地以鋪張幸圓受度之小心寶佩傾光之大造弟子恭敢不擎拳戴德頂踵知恩堅冰藥以學真勵金蘭而領教動靜語默倘忘日月之盟言身體髮膚為道雷霆之誡令三師在上一語不欺更願弟子善性周圓道心開發傳經演教普救聖澤於黃垓好道求靈願降神光於紫極疾證功勤之妙共期勳行之圓當竭微軀共揚大化千枝爐冷八鸞返景

於虛无百和煙微九鳳激光於蒼莽仰諸天而復位廓萬聖以回輶 等控挽無從瞻依徒切碧霞羅絡惟教祖杰之玄紫霧迴旋願衍神功之妙 無任懇切之至

向來

靈寶領教濟度金書卷之二百二十六